

Na osnovu člana 18. Zakona o zaštiti prava pripadnika nacionalnih manjina u Tuzlanskom kantonu („Službene novine Tuzlanskog kantona“, broj: 14/09), u cilju konstituisanja Vijeća nacionalnih manjina Tuzlanskog kantona, Ministarstvo pravosuđa i uprave Tuzlanskog kantona, objavljuje

P O Z I V
registrovanim udruženjima pripadnika nacionalnih manjina
u Tuzlanskom kantonu

I

Pozivaju se udruženja pripadnika nacionalnih manjina, koja su registrovana u Ministarstvu pravosuđa i uprave Tuzlanskog kantona (u daljem tekstu: udruženja nacionalnih manjina) da izaberu kandidate za delegate u Vijeće nacionalnih manjina Tuzlanskog kantona (u daljem tekstu: Vijeće nacionalnih manjina).

II

Kandidat za delegata u Vijeće nacionalnih manjina, kao savjetodavnom i konsultativnom tijelu Skupštine Tuzlanskog kantona za zaštitu prava pripadnika nacionalnih manjina, može biti svaki član udruženja nacionalnih manjina, koji ima opće biračko pravo u Bosni i Hercegovini.

III

Broj članova Vijeća nacionalnih manjina određuje se tako, da udruženja pripadnika pojedine nacionalne manjine biraju predstavnike i to:

- do ukupno 200 članova udruženja - jednog predstavnika,
- do ukupno 400 članova udruženja - dva predstavnika,
- do ukupno 600 članova udruženja - tri predstavnika i tako redom,

s tim da ni jedna nacionalna manjina ne može imati više od tri predstavnika, izuzev Roma koji mogu imati najviše pet predstavnika.

IV

Udruženja nacionalnih manjina trebaju da, u skladu sa svojim općim aktima i članom 15. Zakona o zaštiti prava pripadnika nacionalnih manjina u Tuzlanskom kantonu, izvrše izbor delegata u Vijeće nacionalnih manjina i da odluku o izvršenom izboru dostave Ministarstvu iz tačke I, na adresu: Tuzla, ul. Džafer mahala br. 51., u roku od 60 dana od dana objavljivanja ovog Poziva u dnevnim novinama.

Uz odluku iz prethodnog stava, obavezno se dostavlja ovjeren spisak svih članova udruženja na dan donošenja iste, sa označenim rednim brojem, imenom i prezimenom, JMBG i tačnom adresom svakog člana.

V

Po prijemu odluka i spiskova iz prethodne tačke, pomenuto Ministarstvo će obaviti potrebne organizacione i administrativno-tehničke poslove i sazvati prvu Osnivačku skupštinu Vijeća nacionalnih manjina.

VI

Za sve dodatne informacije u vezi sa ovim Pozivom, kontakt osoba u Ministarstvu je Svjetlana Aganović, telefon broj 307-860 ili fax broj 307-851.

VII

Ovaj Poziv će biti objavljen u dnevnim novinama «Dnevni avaz», kao i na zvaničnoj Web stranici Vlade Tuzlanskog kantona (www.vladatk.kim.ba).